

石屏集



石屏詩集卷第七

絕句

臘梅二首

天寒好風日清香透窗紗誰知□脾底有此返魂花
籬菊抱香死化入歲寒枝依然色尚黃雪中開更奇

汀州道上

宇內何寥落客行雙鬢華千山萬山底老眼付梅花

題周仁甫占香堂二首

一登君子堂滿目是秋光桂是月中桂花非今日香
秋風動窗戶兼聞書傳香種花兼種德當有折桂郎

寄興 代作

長願如人意一生無別離
妾當年少日花似半開時
黃金無足色白璧有微瑕
求人不求備妾願老君家

贈萬杉老秀癡翁二首

識得慶雲和尚不癡自號癡
翁此老端如五老高出廬
阜諸峯

讀儒書五千卷通禪門八萬條
宴坐萬杉林下四旁風
雨蕭蕭

江村晚眺二首

數點歸鴉過別村
隔灘漁笛遠相聞
菰蒲斷岸潮痕溼

日落空江生白雲

江湖落日照平沙
潮退漁舸閣岸斜
白鳥一雙臨水立
見人驚起入蘆花

見山居可喜

一溪盤曲到階除
四面青山畫不如
修竹罩門梅夾路
詩人居處野人居

初夏

紅紫光陰不久長
一聲啼鳩靜年芳
陰陰綠樹黃鸝語
將與人間作夏涼

桂

金谷園林知幾家
競栽桃李作春華
無人得似天公巧
明月中間種桂花

江陰浮遠堂

橫岡下瞰大江流
浮遠堂前萬里愁
最苦無山遮望眼
淮南極目盡神州

淮村兵後

小桃無主自開花
烟草茫茫帶曉鴉
幾處敗垣圍故井
嚮來一一是人家的

盱眙北望

北望茫茫渺渺間
鳥飛不盡又飛還
難禁滿目中原淚

莫上都梁第一山

訪友人家卽事

爛茅遮屋竹爲牀
口誦詩文鬢已蒼
妻病無錢供藥物
自尋野草試單方

晚春

池塘渴雨蛙聲少
庭院無人燕語長
午枕不成春草夢
落花風靜煮茶香

揚州端午呈趙帥

榴花角黍鬪時新
今日誰家不酒樽
堪笑江湖阻風客
卻隨蒿艾上朱門

石屏集 卷之十 重梓
次韻郭子秀曉行

脫葉園林帶曉鴉
馬蹄步步踏霜華
山邊水際頻凝顧
怕有寒梅昨夜花

山村

山崦誰家綠樹中
短墻半露石榴紅
蕭然門巷無人到
兩個孫隨白髮翁

萬竹梢頭雲氣生
西風吹雨又吹晴
題詩未了下山去
一路吟聲雜水聲

題吳熙仲雲萍錄

家在蓬萊海上居
出身履歷一時無
姓名羞上雲萍錄

本是烟波一釣徒

湘中遇翁靈舒

天台山與雁山鄰只隔中間一片雲
一片雲邊不相識
三千里外卻逢君

客中秋晚

榴花纔放客辭家客裏因循見菊花
獨坐西樓對風雨
天寒猶自著輕紗

都中冬日

脫卻鷄裘付酒家忍寒圖得醉京華
一冬天氣如春暖
昨日街頭賣杏花

寒一作貧

湖上

湖上團團三十里若非楊柳卽樓臺城門未鎖黃昏月
更住旗亭把一杯

冬至

時光流轉尋常事世故驚心感慨多一歲休祥在雲氣
今朝雲氣果如何

釣臺

萬事無心一釣竿三公不換此江山平生誤識劉文叔
惹起虛名滿世間

端午豐宅之提舉送酒

海榴花上雨蕭蕭自切菖蒲泛濁醪今日獨醒無用處
爲公痛飲讀離騷

同蘄州上官節推登光州增勝樓

增勝樓中共倚欄平原渺渺接青山夕陽明處人烟少
胡馬曾來闖五關

次韻梅花

百花看遍莫如梅更向羣芳缺際開寒冷怕行門外路
爲渠踏雪過山來

除醪

東風滿架索春饒三月梁園雪未消賸馥何人炷蘭麝

柔枝無力帶瓊瑤

次韻盧申之正字野興

芋圃蔬畦接井湄
茅簷四面槿籬圍
門前盡日無人過
半渡橫塘野鴨飛

題黃州謝深道國正山庵

就荒山竹重抽笋
新種池荷晚著花
意象全然似村落
又添茅屋兩三家

題郭子奇野趣

菜花園圃槿花籬
麥滿前坡水滿池
野老橫竿攔鴨過
牧兒攜笛倚牛吹

山中見梅

踏破溪邊一徑苔
好山好竹少人來
有梅花處惜無酒
三嗅清香當一杯

湘西寺觀瀾軒

東岸樓臺西岸山
瀟湘一片在中間
紅塵不到滄波上
僧與白雲相共閒

道鄉臺

萬里南遷直諫臣
世間無地可容身
夜衝風雨過湘水
賴有青山作主人

定王臺

石屏集 卷之十 重梓
長沙米換長安土築此崔嵬寄遠觀客子登臺千載後
倚欄亦欲望長安

陶侃栢

四絕堂前栢樹晉人栽植宋人吟無枯無葉無吟處
聊寓一時懷古心

東池

載叔倫隱居之地

來尋吾祖隱居處嫋嫋春風吹酒旗手把梅花寄愁絕
東池只是舊東池

寧鄉道上遇張伯聲

山禽調舌待春晴江雨收聲開曉晴偶遇故人同杖屨

梅花樹下一詩成

初夏游張園

乳鴨池塘水淺深
熟梅天氣半晴陰
東園載酒西園醉
摘盡枇杷一樹金

鄂渚解纜

日日言歸不得歸
今朝真箇是歸期
西樓烟水南樓月
別後何人更有詩

別許季如

久不相逢喜合簪
相從未久又分襟
扁舟自逐便風去
卻恨無情江水深

船過桐江懷郭聖與

只言君在桐江住及到桐江不見君日暮空山獨惆悵
不知又隔幾重雲

買歸舟篙子請占牌戲成口號

詐稱官職不如休白板無題又可羞只寫江湖散人號
不然書作醉鄉侯

書事

打鼓行船未有期恰如江上阻風時詩中一段閒公事
幸不妨人喫荔枝

綠陰亭自唐時有之到今五百年盧肇二三公題

詩之後吟聲寂寂久矣亭前古木不存綠陰之名
殆成虛設今詩人李賈友山作尉於此實居此亭
公事之暇與江山風景應接境因人勝見於吟筆
多矣友人石屏戴復古訪之相與周旋於亭上題
四絕句以紀會來

五百年前作此亭亭前古木綠陰清而今古木無存者
賴有新亭繫舊名

慘慘秋風吹客襟唐人遺跡宋人吟浮雲世事多遷變
不獨此亭無綠陰

遠山橫碧一溪清白鳥飛邊落照明吏散庭階無一事

緣陰亭上又詩成

遠一作干

政是國家多事秋渝川縣尉亦風流吟詩不廢公家事
坐使孟郊輸一籌

次韻谷口鄭柬子見寄

閉門覓句飯牛翁囊有新詩不怕窮十里梅花生眼底
九峯山色滿胸中

不管家居四壁空琢成佳句有神工謫仙會有金鑿名
莫道詩人命不通

相看俱作白頭翁出處規模自不同我走江湖作狂夢
君能面壁課成功

一生漂泊客途中挾技從人類百工白首歸來入詩社
猶思渭北與江東

吾鄉自昔詩人少委羽先生後有翁坐客無羶君莫笑

雲臺有集繼家風

鄭谷有
雲臺集

自笑詩人多好酒君能不飲任樽空勸君莫倚醒醒眼
卻笑旁人醉面紅

寄後村劉潛夫

朝廷不召李功甫翰苑不著劉潛夫天下文章無用處
奎星夜夜照江湖

擁節持麾澤在民仰看臺閣笑無人劉蕢一策傳千古

何假君王賜出身

客游仙里見君時
擁絮庵中共說詩
別後故人知我否
年幾八十病支離

中秋李漕石洲冰壺宴集

把酒冰壺接勝游
今年喜不負中秋
故人心似中秋月
肯爲狂夫照白頭

登樓絕句和者甚多
又從而用韻擇其可錄者錄之

勞生百計不如閒
合把人間比夢間
天與老夫供享用

一樓風月兩屏山

有前屏後屏

心地清涼日日秋怕沾塵土莫低頭置身不在衆人下
處處皆成百尺樓

小樓題了又還題一段風流在水西白鳥飛來知嚮背
青山元自有高低

富貴於人造物慳出門又覺世途艱樓頭適意三杯酒
木末清風雨後山

寄上趙南仲樞密

貴爲公相不如歸一夕飄然去不知樂在五湖風月底
扁舟載酒對西施

能爲明哲保身謀富貴功名總罷休早向急流中勇退

歸來閒伴赤松游

初夏

等閒過了一年春雨後風光夏景新
試把櫻桃薦杯酒
欲將芍藥贈何人

覓芍藥代簡豈潛

照映亭池芍藥春
紅紅白白鬪精神
與其雨打風吹去
爭似殷勤折贈人

趙葦江與東嘉詩社諸君游一日攜吟卷見過一
語謝其來

白首無聊老病軀
一心惟覓死頭顱
時人誤口口花看

今日枝頭雪也無

得早梅一枝攜訪酒家

旗亭沽酒少裴回
左手梅花右手杯
眼見枝頭開數蕊
春風自我掌中來

巾子山翠微閣

雙峯直上與天參
僧共白雲棲一庵
今古詩人吟不盡
好山無數在江南

贈饒叔虎談易論命多奇中

中年多病早衰翁
詩不能工枉受窮
郊島五行君識否
要知我命與渠同

招山乃詩人劉叔擬故居朱清之得其地清之赴
南宮中道而返就招山下築不久亦去世

半路袖回攀桂手一生才遂買山心要知此老風流處
來向劉郎吟處吟

有錢可買滄浪景無術能還夢幻身一段江山寄愁絕
百年不見兩詩人

湖南漕李革夫被召乃丐歸

浪說歸朝歸豫章新居萬柳百花旁何如表奏明光殿
乞取東湖作醉鄉

軒冕難遮兩鬢華官居雖好不如家一心嬾上朝天馬

要趁春風歸種花

清明感傷

客中今日最傷心
憶著家山松樹林
白石岡頭聞杜宇
對他人墓亦沾巾

次韻李伯高

蓮幕高吟冰雪篇
天才秀發思華年
千金買得驚人句
落在雞林渡海船

嶽市勝業寺悅亭

尋幽攬勝老猶勤
但覺吟身瘦幾分
淨洗一生塵土眼
細看七十二峯雲

訪舊

欲尋西舍問東鄰
兩巷都非舊
佳人惟有桑邊石池在
依然春水碧粼粼

代簡荅夏肯甫

六七十里不為遠
百書不如一會面
之子相期十日間
要與梅花併相見

寄劉潛夫

時在建康作制幹唐人
詩芳譽香名滿數車

八斗文章用有餘
數車聲譽滿江湖
今年好獻南郊賦
幕府文章有暇無

周子益年八十赴殿

所居勝
曰漁村

七尺漁竿八十翁
釣絲輕裊荻花風
功名未遂英雄老
人道磻溪卽箇中

拋卻漁村老釣竿
手遮西日上長安
青衫著了尋歸路
莫過羊裘七里灘

觀捕黃雀

披緜爭啄晚禾秋
決起森然網扼喉
一飽等閒輸性命
知機萬不及沙鷗

九日

醉來風帽半欹斜
幾度他鄉對菊花
最苦酒徒星散後
見人兒女倍思家

雪中觀梅鄭子壽畏寒不到

孤負溪橋雪與梅怕寒不肯出門來欲邀鄭老同清賞
爭得梅花六月開

鄭子壽野趣燒燭醉梅花

古瓶斜插數枝春此卽君家勸酒人移取堂前雙蠟燭
花邊照出玉精神

東湖看花呈宋原父

團團堤路行無極一株一步楊柳碧佳人反覆看荷花
自恨鬢邊簪不得

贛州上清道院呈趙雪篷

短牆不礙遠山青
無事燒香讀道經
時把一杯非好飲
客懷宜醉不宜醒

無題

憶聞春燕語雕梁
又聽秋鴻叫斷腸
一縷沉烟飛不過
兩樓相對立斜陽

到西昌呈宋愿父伯仲黃子魯諸丈

一秋無便寄平安
新雁聲聲報早寒
昨夜檢衣開故篋
去年家信把來看

扁舟幾度到南昌
東望家山道路長
醉裏不知身是客
故人多處亦吾鄉

入閩道中

山中寂寞去程賒莫惜頻頻到酒家行李蕭然還不俗
擔頭顛倒插梅花

嚴儀卿約李友山高與權酌別

江天慘澹日淒涼木未經霜葉未黃今日樓頭一杯酒

明朝行客在誰鄉

李敷文酌別席上口占

客子明朝早問程樽前今夜苦一作若為情使君亦恐傷

離別不使佳人唱渭城

李友山索詩卷汀州急遞到邵武

清時無事更年豐
兩地風光詩詠中
可是山前無警報
旗鈴千里遞詩筒

題牛圖

牡丹花下連宵醉
今日閒看黑牡丹
得此躬耕東海曲
一貧無慮百憂寬

既別諸故舊
獨黃希聲往曲江
稟議未回不及語
離

別盡諸君不見君
客愁多似海南雲
一聲何處離羣雁
那向江村靜處聞

老年懷抱晚秋天
欲去思君重黯然
聞道歸來有消息

江頭錯認幾人船

林伯仁話別二絕

別酒三杯醉不知
梅花嶺外故人稀
片心暗逐白雲去
日日向君行處飛

茉莉花邊把酒卮
桄榔樹下共談詩
醉來一枕西窗下
酒醒方知有別離

題陳景明梅廬

手栽梅核待成林
慈母當年屬望深
梅未成林人已往
空酸孝子一生心

思親如海渺無涯
觀物驚心感歲華
誰見詩人心苦處

原书缺页

原书缺页

王建不能憐賈島吟邊懷抱向誰開
扶病欲迎新太守不知千騎幾時來

重陽

茱萸半紫菊花黃時節催人日夜忙
便使老夫年滿百無過二十二重陽

題梅嶺雲封四絕

東海邊來南海邊長亭三百路三千
飄零到此成何事結得梅花一笑緣

淮南得道嶺南行嶺上回頭作麼生
傳得祖師心印了鉢盂何必與人爭

鑿破青山兩壁開石頭路上踏成埃梅花自與白雲笑
幾見夷齊出嶺來

南遷過嶺面無慚前有東坡後澹庵見輩欲知當日事
青山解語水能談

戲題詩藁

冷澹篇章遇賞難杜陵清瘦孟郊寒黃金作紙珠排字
未必時人不喜看

邵武太守王子文日與李賈嚴羽共觀前輩一兩
家詩及晚唐詩因有論詩十絕子文見之謂無甚
高論亦可作詩家小學須知

文章隨世作低昂變盡風騷到晚唐舉世紛紛吟李杜
時人不識有陳黃

古今胷次浩江河才比諸公十倍過時把文章供戲謔
不知此體誤人多

曾向吟邊問古人詩家氣象貴雄渾彫鏤太過傷於巧
朴拙惟宜怕近村

意匠如神變化生筆端有力任縱橫須教自我胸中出
切忌隨人腳後行

陶寫性情爲我事畱連光景等兒嬉錦囊言語雖奇絕
不是人間有用詩

飄零憂國杜陵老感寓傷時陳子昂近日不聞秋鶴唳
亂蟬無數噪斜陽

欲參詩律似參禪妙趣不由文字傳箇裏稍關心有悟
發爲言句自超然

詩本無形在窈冥網羅天地運吟情有時忽得驚人句
費盡心機做不成

作詩不與作文比以韻成章怕韻虛押得韻來如砥柱
動移不得見工夫

草就篇章只等閒作詩容易改詩難玉經彫琢方成器
句要豐腴字要安

石屏詩集卷第七終

石屏詩集卷第八

詞

錦帳春

淮東陳提舉清明奉
毋夫人游徐仙翁庵

處處逢花家家插柳政寒食清明時候奉版輿行樂使
星隨後人間稀有 出郭尋仙繡衣春晝馬上列兩行
紅袖對韶華一笑勸國夫人酒百千長壽

醉落魄

九日吳勝之運
使黃鶴山登高

龍山行樂何如今日登黃鶴風光政要人酬酢欲賦歸
來莫是淵明錯 江山登覽長如昨飛鴻影裏秋光薄
祇有黃花覺牢裹烏紗一任西風作

柳梢青

岳陽樓

袖劍飛吟洞庭青草秋水深深萬頃波光岳陽樓上一
快披襟 不須攜酒登臨問有酒何人共斟變盡人間
君山一點自古如今

行香子

永州爲魏深甫壽

萬石崔嵬二水漣漪此江山天下之奇太平氣象百姓
熙熙有文章公經綸手把州麾 滿斟壽酒笑撚梅枝
管年年長見花時佳人休唱淺近歌詞讀浯溪頌愚谷
記澹巖詩

木蘭花慢

□鶯啼啼不盡任燕語語難通這一點閒愁十年不斷
惱亂春風重來故人不見但依然楊柳小樓東記得同
□粉壁而今壁破無蹤 蘭皋新漲綠溶溶流恨落花
紅念著破春衫當時送別燈下裁縫相思謾然自苦筭
雲烟過眼總成空落日楚□無際凭欄目送飛鴻

鷓鴣天

題趙次山
魚樂堂

圍圍洋洋各自由或行或舞或沉浮觀魚未必知魚樂
政恐清波照白頭 休結網莫垂鉤機心一露使魚愁
終知不是池中物掉尾江湖汗漫游

浣溪沙

病起無聊倚繡牀玉容清瘦嬾梳粧水沉烟冷橘花香
說箇話兒方有味喫些酒子又何妨一聲啼鴉斷人
腸

臨江仙

代作

誤入風塵門戶驅來花月樓臺樽前幾度得徘徊可憐
容易別不見牡丹開莫恨銀瓶酒盡但將妾淚添杯
江頭恰恨北風回再三相祝去千萬寄書來

祝英臺近

別李擇之諸丈

泛杭州臨塵水幾日共遊戲歌笑開懷酒醒又還醉奈
何一旦分攜連宵風雨翦不斷客愁千里水雲際遙

望一片飛鴻苦是失羣地滿眼春風管甚閒桃李此行
歸老家山相逢難又但一味相思而已

鵲橋仙

周子俊過南昌問訊
宋吉甫黃存之兄弟

西山巖壑東湖亭館盡是經行舊路別時相見有荷花
還又見梅花歲暮 宋家兄弟黃家兄弟一一煩君傳
語相思不寄一行書元自有不相忘處

又

新荷池沼綠槐庭院簷前雨聲初斷喧喧兩部亂蛙鳴
怎得似啼鶯睨睨 風光流轉客游汗漫莫問鬢絲長
短醒時杯酒醉時歌筭省得閒愁一半

大江西上曲

寄李實夫提刑時
郊後兩相皆乞歸

大江西上鬱孤臺入境人間圖畫地
漏千峯搖翠浪兩派玉虹如瀉
彈壓江山品題風月四海今王謝
風流人物如公一世雄也 一片憂國丹心
彈絲吹笛未必能陶寫西北風塵方
瀕洞宰相閒歸綠野月斧爭鳴風斤
運巧不用修亭榭紫樞黃閣要公整頓天下

減字木蘭花

寄廉州劉叔治使君

羊城舊路檀板一聲驚客去不擬重來
白髮飄飄上越臺 故人居處曲巷深深
通竹所問訊桃花欲訪劉郎不在家

又寄五羊鍾子洪

天台狂客醉裏不知秋髮白應接風光憶在江亭醉幾
場吳姬勸酒唱得廉頗能飯否西雨東晴人道無情
又有情

又

阻風中酒流落江湖成白首歷盡艱關贏得虛名滿世
間浩然歸去憶著石屏茅屋趣想見山村樹有交柯
犢有孫

清平樂興國呈司直

今朝欲去忽有畱人處說與江湖楊柳樹繫我扁舟且

住 十分酒興詩腸難禁冷落秋光借取春風一笑狂
夫到酒尤狂

又
嘲人

醉狂痴作誤聽青樓約酒醒梅花吹畫角翻得一場寂
寞 相如謾賦凌雲琴臺不遇文君江上琵琶舊曲只
堪分付商人

醉太平

長亭短亭春風酒醒無端惹起離情有黃鸝數聲 芙
蓉繡裯江上畫屏夢中昨夜分明悔先行一程

望江南

壺山宋謙父寄新刊雅詞內有壺山好三十首自說平生僕謂猶有說未盡處為續

曲四

壺山好博古又通今結屋三間藏萬卷揮毫一字直千
金四海有知音 門外路咫尺是湖陰萬柳堤邊行處
樂百花洲上醉時吟不負一生心

壺山好膽氣不妨麤手奮空拳成活計眼穿故紙下工
夫處世未全疎 生涯事近日果何如背錦奚奴能檢
點畫眉老婦出交租且喜有贏餘

壺山好文字滿胸中詩律變成長慶體歌詞綽有稼軒
風最會說窮通 中年後雖老未成翁兒大相傳書種
在客來不放酒樽空相對醉顏紅

壺山好也解憶狂夫轉首便成千里別經年不寄一行

書渾似不相疎 催歸曲一唱一愁予有劔賣來沽酒

喫無錢歸去買山居一向作狂徒

壺山有催歸曲贈僕甚妙

又

僕既為宋壺山說其自說未盡處壺山必有答語僕自嘲三解

石屏老家住海東雲本是尋常田舍子如何呼喚作詩人無益費精神 千首富不救一生貧買嶼形模元自瘠杜陵言語不妨村誰解學西崑

石屏老長憶少年游自謂虎頭須食肉誰知猿臂不封侯身世一虛舟 平生事說著也堪羞四海九州雙腳底千愁萬恨兩眉頭白髮早歸休

石屏老獨不住山林
注定一生知有命
老來萬事付無心
巧語不如瘖
貧亦樂
莫負好光陰
但願有頭生白髮
何愁無地覓黃金
遇酒且須斟

石屏詩集卷第八終

臨海陳備三校字

石屏詩集卷第九

附錄

戴東埜詩

莫悲秋

傷春非貞女悲秋非烈士時運自循環我心如止水剝
固復之機榮乃悴之始未識天地妙胡爲浪悲喜鷄蓬
或數仞鵬口或萬里大小何必齊蒙莊未窮理

次黃叔粲茶隱倡酬之什

美人隱於茶性與茶不異苦澀知餘甘淡薄見真嗜肯
隨世俱昏寧墮衆所棄靈雨滋山腴迅雷起龍睡草野

石屏集 卷之九 重梓
未敢花春芽早呈瑞口水須占一焙火不落二趣深同
誰參雋永時自試葱薑勿容口瓜蘆定非類標名寓元
思微吟寫清致成我君子交從彼俗客恚嚼芳憩泉石
包貢免郵置遼遼玉川翁千載共風味

雜言

衆芳以春榮萬葉以秋蕭造物持其權兒戲恣翻覆亭
亭山上松蕭蕭澗邊竹超然榮肅中正色閱寒燠
提壺勸我飲布穀催我耕我酒餅已罄我田草正生荷
鋤理荒穢及時新雨晴秋來刈吾秫庶得兩遂情
逸翮凌丹霄潛鱗縱深壑天分安所適翔泳同一樂短

吟五七字薄酒三四酌浩氣與春風相從滿寥廓

侍屏翁游屏山分得水字

攜琴入空山修竹翠相倚一曲千古心泠泠寄流水拂
雲臥白石冥搜契元理有時采薪人歌聲隔林起

秋日過屏山庵

凄切抱葉蟬間關樓樹禽入山本避喧復愛聆此音微
颺動夕爽薄雲散秋陰衆籟闐以靜片月生東林

山泉清且甘漱之冷侵骨拂苔坐石上松風更蕭瑟悠
悠行空雲何心自出沒六口忽瓊瓏吾計良未失

夏肯甫曉山亭

開櫺納晨光隱几挹寒翠以我胸中真會彼景外意孰
 因夜息存孰使晝枯累念慮方清明體認貴切至峩峩
 成九仞進進基一簣勗哉亭中人涵養玉其粹卷書意
 何如顏回坐忘地

春日偕兄弟侍屏翁游晉原分得外字因集句而

成

春雨晴亦佳杜甫適與賞心會高適初日照高林常建幽泥化

輕塏韓愈步履隨春風杜甫始覺天宇大劉禹錫牽懷到空山

韓愈逍遙白雲外 青松夾路生陶潛童童狀車蓋杜甫清川

帶華薄 陰壑生虛籟 性達形蹟忘 傲然脫冠帶

薄暮方來歸 月光搖淺瀨

唐李涉有山中五無可奈何詩戲用其體作秋日
四章

無奈秋風何怒號震林木著我井上桐一夜失寒綠莫
作搖落悲妙理在觀復

無奈秋月何鍊魄金氣精炯炯一輪滿天地冰壺清照
我方寸景表裏同光明

無奈秋山何萬疊淺深碧起來樓上看朝爽浮几席
稜政自高更養靜壽德

無奈秋水何悠悠盪輕槳上下天一碧顛倒涵萬象願

從雙白鷗生涯寄浩蕩

孤桐行

孤桐結根倚崖石俯瞰清溪照虛碧枝葉扶疎朱夏寒
上有翔鸞舊棲跡風霜冉冉歲月深老柯半朽蒼皮蝕
其中素抱金玉聲以暗投人人不識人不識多苦心樵
夫斤斧莫相尋寧教枯死倒澗壑不從爨下求知音

逐瘧鬼

咄哉瘧鬼何冥愚沉魄猶滯江流居孰云胄出高陽氏
而乃不肖如此歟爲妖常闖秋令動作威又竊炎官餘
今年恣睢逞暴虐十戶九室聞嗟吁人生一歲一寒暑

自有大瘧纏其軀翻手爲涼覆手暖笑爾禍福纔須臾
癡兒駭女或汝怖那能嚇我烈丈夫汝不記少陵詩句
有神語子璋鬪髓血模糊昌黎譴逐更多術灌毒炷艾
揮靈符今來古往共憎疾奈何長惡終不渝胡不學鮫
人細織冰綃製雲裙胡不從湘君綏移桂權搴芙蓉乃
甘卑潔賈衆怨厭禳唾罵無時無爾來經旬瞰吾室再
三謝遣猶踟躕吾詩吾酒旣不廢汝窮汝技將何如大
江秋色正瀟灑明月皎皎風疎疎便須悟悔速歸去嘯
儔呼侶相嬉娛夜闌吟徹欲就睡燈花照眼團如珠夢
回病思砉然散颯颯風籟生庭梧

書初考

得考雖多幸無功祇自嫌但求官速滿不道老同添卑
拙翹蓬鷄艱辛上竹鮎黃花寒更好三嗅憶陶潛

辛亥九日被檄視澇遂爽同官飲菊之約夜宿荒

驛風雨達曙

孤負重陽菊愁懷不肯寬郵亭一夜雨客枕五更寒脚
健從渠老心低到處安獨行誰可語時把古詩看

納涼卽事

炎蒸欣傍晚掃地坐寬涼入竹風逾冷生荷水亦香蟻
行緣食几螢照落書牀聽得農人語今年稻穗長

待屏翁領客游雪山分得生字

雪峯峯頂寺來此定詩盟山瀑分雲影松風亂雨聲眼
明春樹綠心惺曉鐘清未好言歸去塵中事又生

偕兄待屏翁探梅屏山分得空字

蹢破登山屐來尋傍水叢眼明千樹底春在數花中格
瘦詩難寫香寒酒易空狂歌歸秉燭驚怪走兒童

豈潛弟平遠圖

卜築占寬閒修篁老樹間八窗開宇宙一室貯雲山野
曠行人少天遙去鳥還悠然會心處妙語徹元關

謝趙山臺見訪

寂寞海東頭，殷勤貴客舟。如何經歲約，祇作數宵留。清
玩分行篋，高吟壓小樓。更須謀再會，同醉菊花秋。

臘前見蘭花

蘭叢纔一幹，獨向臘前開。托蔭偏宜竹，先春不讓梅。韻
從幽處見，香自靜中來。便欲緲芳佩，靈均喚不回。

安居

安居元自好，春晝更遲遲。雪滿煎茶鼎，雲生浴硯池。栽
荷填廢沼，移竹補疎籬。猶有閒光景，欹眠續舊詩。

次韻屏翁詠梅

芳信基花事，東君思亦奇。橫枝疎蓓蕾，半樹老丰姿。心

共寒霜苦香惟夜月知最憐清夢覺疎影竹窗時

次韻屏翁觀梅

曉寒籬落外一見一番新喚覺羣芳夢先鍾萬古春冷
香宜醉寢真色任烟隣更喜連朝雪飛花爲辟塵

項宜父涉趣園

四面山廻合中間百畝畦人門惟見竹繞屋半栽梅果
熟霜前樹魚肥雨後溪秋來饒景物斟酌費詩材

小酌會芳分得陰字

暇日頻相顧清風舊竹林功名春後夢吟咏老來心世
事隨流水年芳付綠陰悠然千古意閒理斷紋琴

玉峯登眺得初字

玉峯奇絕處短策步崎嶇海近潮聲壯山空樹影疎吟
情危眺外飲興薄寒初數點新來雁高飛不羨渠

小樓扁山海圖鄭安道酒邊有詩因次韻

等閒成小集危眺豁幽情四面畫圖出一襟天地清晚
雲山掩靄夜月海空明自有茲樓景輸君第一評

次韻屏翁新秋

檢點新秋事天公賜已豐秋牀梧葉雨曉袂竹林風閱
世心先老傷時酒易中誰將和戰議細與問元戎

巳亥十月晦大雷雨

舛令頻年見憂時百慮灰入冬常苦雨昨夜又轟雷土
爛麥難種蟲傷菜失栽兒童不解事喜報海棠開

次韻屏翁冬日

曉起衝寒出霜明日未晞麥豐來歲本梅漏早春機水
澗魚深隱密成蜂倦飛靜中參物理一一見精微

自武林還家道由剡中

一筇雙不借役役又東還野渡淺深水夕陽高下山光
陰虛我老造物靳人閒高躅思吾祖鳴琴獨閉關

次韻屏翁新元聚拜

履端來聚拜和氣洽昌辰蕃衍如今日栽培豈一人詩

書延澤潤忠厚續長春相祝無多語年新德又新

次韻君玉弟春事

海棠紅未了又近牡丹時送日多忙事隴春欠好詩暖
風催麥早晴晷轉花遲不盡清游興重爲上巳期

次韻晚春二首

一襟塵欲滿刮眼得新詩風絮遺春恨烟花隔歲期筍
抽蟲半蝕樓熟鳥先窺光景渾如此心閒卽好時
田園深有趣已分隱柴扃老去情多感春來夢少靈游
絲捲晴日飛絮入空庭預識今年好啼鶉枕上聽

春晚卽事

春郊農務急野岸水痕高蒲渚鳴姑惡桑林嘯百勞整
欄扶芍藥塞網護櫻桃不改窮居樂何妨見二毛

次韻屏翁初夏會芳小集

一觴還一詠竟日醉難成坐石驚雲溼臨池愛水平密
林宜午蔭啼鳥尚春聲更有櫻桃約明朝且願晴

夏初郊行

晴雨天難測寒暄氣未齊連村多綠樹終日嘯黃鸝田
水衝塍斷山雲著地低偶隨農叟語不覺過橋西

僻居

地僻塵囂遠身閒趣味深清池涵竹色老樹帶藤陰引

鶴隨閒步招蟬伴醉吟有時燃古鼎隱几自觀心

亦龍弟覆簣累石作亭其陰屏翁名曰野亭索詩

謾賦二首

幽棲得真趣隙地巧經營花竹有和氣林園無俗情帶
經休樹影抱甕俯池清我亦甘肥遯相從樂此生
高懷抗塵外林杪著三間綠繞村邊樹青浮海上山目
窮天變化心靜地寬閒鷗鳥知人樂忘機亦往還

秋晚

西風澄曉氣凝觀愜幽情草潤蛩聲滑松涼鶴夢清吟
懷依水靜病思得秋輕忽憶登高近循籬看菊英

屏翁領諸孫小集亦龍弟野亭君玉卽席有詩

韻

結屋新亭好登臨雅興長心融八窗白塵隔九衢黃泛
菊金英碎嘗粳玉顆香更期梅著蕊來賞小春光

鄭安道終歲相聚臨別以詩見貽次韻爲謝

解把詩言別那無計可畱梅花兩心事寒雁五更愁我
亦高懸榻君須獨臥樓後回相憶處莫返雪中舟

夏曼卿作新樓扁曰瀟湘片景來求拙畫且索詩
有此一樓足悠然萬慮忘拓開風月地壓斷水雲鄉四
野畱春色千峯明夕陽眼前無限景何處認瀟湘

金陵懷古

尚聞深巷語烏衣無復高臺彩鳳儀棟宇半欹元帝廟
香烟爭奉誌公詞六朝興廢千年夢獨客登臨萬感悲
莫上鍾山望淮北西風禾黍更離離

幽棲

幽棲頗喜隔羣寰無客柴門盡日關汲水灌花私雨露
臨池疊石幻溪山四時有景常能好一世無人放得閒
清坐小亭口衆妙數聲黃鳥綠陰間

此生

此生畢竟已蹉跎有酒何妨醉且歌人世盡緣愁得老

春花偏被雨相磨
口欺蘭瘦能香否
杏笑梅殘奈俗何
試上東樓口口景
海山無數列青螺

自况

多貲徒作守錢奴
伏臘無憂便有餘
世路本夷休自險
人情太密反成疎
非圖報施方爲善
豈爲功名始讀書
門外良田堪種秫
自牽黃犢試犁鋤

書房

書房清曉焚香坐
轉覺幽棲趣味真
怪石一根雲態度
早梅半樹雪精神
池魚自樂誰知我
林鳥相忘不避人
得喪由來天自定
莫將閒慮惱閒身

移古梅植于貯清之側已有生意喜而賦之

剝盡皮毛真實在幾年孤立小溪潄人來人去誰青眼
花落花開自苦心不是野夫同臭味難教君子出山林
巡簷日日窺生意一朵先春直萬金

再得古梅小而益怪首蒙屏翁品題因次韻

愛渠怪怪復奇奇冒雪遙憑健步移竹外池邊栽恰好
山巔水際夢多時百年死質餘生意一片孤槎帶好枝
寄語花神勤守護品題莫負老仙詩

初游方巖山

圖志舊常看紀載杖藜今得徧經行漁翁化石幾年釣

仙客有田何世耕
千尺枯崖蛻龍骨
一簾飛瀑撼雷聲
相傳逸少曾來此
惜不鐫巖記姓名

觀敗碁者戲作

看人出著笑人低
及至當枰卻自迷
角子僅全輸了腹
東邊纔活喪於西
欲裝劫去多難補
待筭征來恰又提
天下未應無妙手
勸君莫愛墨後猊

牡丹

萬巧千奇費翦裁
瓊瑤錦繡簇成堆
世間妖女輪回魄
天上仙姬降謫胎
笑臉倚風嬌欲語
醉顏酣日困難擡
東君若使先春放
羞殺羣花不敢開

喜有秋

去年已作填溝計誰料今年見有秋天意
乘除元自定人生伏臘謾多憂
滿盆浙玉休論價成斛量金不計籌
最是野夫懽喜處春風百甕繞牀頭

次君玉弟聞新雁

霜風颯颯荻花洲避北趨南巧自謀
倦翮飛殘千里月寒聲催老一天秋
乍教騷客驚詩夢莫爲征夫寄別愁
汝度塞垣應未久新來烟燧已沉不

次韻東渠兄觀梅

詩眼非梅不可遮
三葩五蕊更堪嘉
瘦如飯顆逢工部

老似磻溪臥子牙
水影月香參衆妙
弟酬兄唱自成家
快筍新醞同清賞
莫待枝頭爛燬花

閒居幽事

閒居幽事屬田園
何必山林始避喧
足水早禾分母子
多年修竹見翁孫
欣然勝敗無心奕
兀爾醉醒隨意樽
昨夜一番雷雨過
綠波微漲曲池痕

甘窮

自甘窮處更何疑
坎止流行信所之
不學昌黎驅五鬼
肯隨子厚罵三尸
堂堂白髮欺人出
耿耿青燈獨已知
細嚼黃花香滿齒
清風千古一東籬

送彭希聖姊夫赴三山民曹

槐笏綠衫初作吏要須立腳自廉勤閭閻疾苦宜加意
駁層竒羸莫與聞少啖荔枝防美疢多栽茉莉挹清芬
公餘覽徧佳山水倘有詩篇寄海雲

巳亥九日屏翁約諸孫登高西嶼阻風舟行不前
遂會於吾家山海圖之上酒邊翁有詩畱題因次

韻

良辰樂事兩相關喜我樓臺便往還不用移舟過西嶼
只消把酒對南山風於破帽如先約菊爲新筍欲笑顏
畱作千年佳話處詩翁醉墨照楣間

秋日獨倚東樓

重陽過了秋逾爽自豁樓窗眺晚西野外倒涵天影動
海雲平壓雁行低興來頻放深杯飲吟到須還大字題
近喜書房添一寶陶泓買得古端溪

次韻屏翁壬寅九日再題小樓

佳節相過共舉觴爲萸菊醉亦何妨須知我輩襟懷事
不是時人酒肉狂落雁影邊寒水碧歸鴉啼處夕陽黃
詩翁樽俎風流在老氣橫吞年少場

初冬梅花偷放頗多

清樽纔了黃花債又被梅花惱殺人碎點南枝無數雪

探回東帝幾分春精神全向疎中足標格端於瘦處真
徹夜苦吟無好語夢隨雙月步溪濬

石屏後集鋟梓□□屏翁

新刊後稿又千首近日江湖誰有之妙似豫章前集語
老於夔府後來詩梅深歲月枝逾古菊飽風霜色轉奇
要洗晚唐還大雅願揚宗旨破羣癡

四月卽景

茶歌纔了又田歌節物真成一鳥過蒼竹招風涼意足
碧梧留雨夜聲多瓜緣茅屋抽長蔓藹過蔬畦出矮荷
最喜白鷗相狎久對人自在浴清波

次韻鄭安道懷君玉弟游東嘉

好山好水東嘉郡
兩月清游樂可知
遠想池塘頻夢汝
還當風雨對眠誰
別時菊蕊方宜酒
幾日梅花只索詩
雁影參差霜正冷
寄言歸計莫遲遲

贈日者張異手

張兩手合七指因以爲號

漫浪江湖等泛萍
破囊惟有百中經
一吭辯處長三寸
兩手生來應七星
笑汝道途多坎壈
說人禍福太分明
我今已決爲農計
不解從君較五行

代簡寄謝友人

經年未復寄來書
索我形骸莫太疎
鮑叔相知應似舊

嵇康習懶苦難除白頭閱世梅花老青眼看人柳色舒
春月正圓春水滑何須雪夜扣吾廬

春事

春事關心常早起愛看景物試凭欄戲魚池面微添綠
啼鳥枝頭尚帶寒蘄棘重樊新插柳鰲泉頻灌自栽蘭
年來賸有園林興每恨廬邊地不寬

如京至西興阻風雨

月將圓夜出鄉關纔到西興月又殘老去問名先已懶
近來行路覺尤難雲烟漠漠早山暗風雨蕭蕭浙水寒
識破人生真逆旅此身何處不堪安

賞茶

自汲香泉帶落花
漫燒石鼎試新茶
綠陰天氣閒庭院
臥聽黃蜂報晚衙

夜過鑑湖

推篷四望水連空
一片蒲帆正飽風
山際白雲雲際月
子規聲在白雲中

喜小兒學步

對周尚有六十日
舉足已能三五移
世路只今巖險甚
須教步步著平夷

效宮詞體

楊柳萬絲堆怨緒丁香百結鎖愁腸
小桃先得東皇寵
莫妬東風過海棠

讀陳元龍傳

九州四海沸如湯問舍求田策最良
豪氣到頭成底事
禾容口客臥高牀

嚴子陵

赤伏君王訪舊游富春男子只羊裘
一竿本爲逃名去
何意虛名上釣鉤

竹林避暑

白抱桃笙過竹林濃陰一片直千金
清眠盡晚無人喚

時有風鳴石上琴

夏晝小雨

水牀斲簟展琉璃窗外新篁一尺圍
正午雲橋疎雨過
冬青花上蜜蜂歸

里中小漁舟被差防江有感而賦

著身平地更多憂
一棹思爲泛宅謀
昨夜雨風邊報急
防江也要釣魚舟

天台道上早行

籬輿軋軋過清溪
溪上梅花壓水低
月影漸收天半曉
兩山相對竹雞啼

五禽言

提葫蘆沽美酒人世光陰春電走一日得醉一日閒綠
鬢幾曾俱白首沽酒沽酒有酒沽生前不飲真愚夫

不如歸去不如歸去千山萬水家鄉路今年又負故園
花來歲花開定歸否歸去歸去須早歸近日江湖非舊

時

泥滑滑泥滑滑客路迢迢雨不歇我僕十步九步蹶我

馬驢

力涉反

驢

吐盡反

如跛鼈泥滑泥滑君莫愁秧爛麥損

尤堪憂

脫卻破袴脫卻破袴蠶熟繰成霜雪縷小姑織口未落

機縣家火急催官賦輸了官賦無零落破袴破袴還更著

麥熟鍛磨麥熟鍛磨村南村北聲相和大男小女總欣欣
煑餅蒸糜任渠做鍛磨鍛磨莫等閒去年糠粃無得餐

青陽梅仙舒伯虞爲其尊人索靜閒軒詩

人心元至虛天下本無事舉世役於形擾擾誰暫置先
生自超俗涵養老逾粹妙契無名翁深造靜閒味壺中
貯日月胸次納天地婆娑閱四序物物見春意林花高
下紅庭草淺深翠一笑扶瘦筇行吟散微醉

王子立夏日同郡博士黃次夔游江祖太白釣臺
因成古詩併呈偕行諸丈

翰林天酒星謫墮人間世豪氣渺乾坤浪跡寄湖海
峩江祖山片石峙西澗醉狂御風來踞坐高傲睨一絲
聊戲垂意得在魚外青山畫屏句妙越無塵界至今五
百年春虹絢晴彩我來訪遺蹤躡屐捫薜荔錦苔剝冰
霜髣髴題字在屬時春夏交微雨弄輕霽同游俱嘉朋
笑語洽傾蓋雲木團晝陰松風奏天籟勝踐心已愜酣
歌意彌快欲招臺上魂舉爵酌清泚今昔自殊時欣感
諒一契詩成寫蒼壁存否非所計長嘯下歸舟驚湍送

飛棧

太白秋浦詩江祖題詩畱萬古綠字

一片石青交掃畫屏錦苔生即其地也

梳頭自歎

短髮如冬霜一朝白一朝又如深秋柳
槁葉迎風凋白者不再黑白者不復牢
羲娥疾馳驥乾坤虛懸瓢人生寄其間
泛泛波上舸百歲一大夢倏忽已隔宵
胡不適所適而乃隨滔滔富貴撇眼電
榮華過耳騰木敢故得壽龜靈徒取焦
甘拙自安吉役智滋勞切所以柴桑人
不肯折此腰

上立齋先生十首以有官居鼎鼐無宅起樓臺爲

韻

形弱能使強脈病能使壽醫和肘後方袖手若無有綠
野歸晉公洛社閒迂叟此意誰得知可以久則久
羸牛指爲驥鳴臬認爲鸞彼欲欺一世自亂耳目官吾
直不能枉吾方竟誰列何妨寄楚澤餐菊紉秋蘭
蔚蔚空明山古號仙人居神秀發虹氣瑞孕真璠璵潔
白外難染堅剛中不枯勿逐鼠璞價韞匱姑藏諸
支厦資寸莖涉江寄孤艇弗顧勝弗勝乃談幸不幸舜
華朝暮期蒼松歲年迴從渠寶康觚我自有岑鼎
君子如真金真金剛不改小人如浮雲瞬息目多變態隨
世良獨難殉道乃無悔近日崔菊坡堅臥辭鼎鼐

董猶不同性涇渭不同趨由來區以別那使強合好老
聃守道德韓非事刑誅二人共一傳能信千古無

多金建華屋一堂容百客立齋有廳事不覺旋馬窄僻
於蕭相居隘甚晏子宅鬼神瞰高明吉祥止虛白

靈巖一片雲曾爲作雨起風吹還故山松筠澹相倚秋
高霜露寒酒熟鱸魚美少寬憂世懷微醉有妙理

否泰關世運進退非人謀尼父雖皇皇不爲無禮畱用
則巨川楫舍則野渡舟行藏兩付之獨倚百尺樓

小草有遠志埋沒同蒿萊風霜坐相欺冉冉成枯荻我
公下白屋意重黃金臺儻借伯樂顧未信終駑駘

江濱晚霽

十里平沙路人行晚霽間水光涵遠樹雲影度空山吹浪江豚怒摩霄野鶴閒漁翁醉吹笛小艇泊前灣

十日取野菊泛酒

野徑菊仍好村壚酒亦嘉未應今日蕊便是昔時花心在家千里身猶客九華官程難久駐風雨暮山斜

山家小憩卽景效藥名體

柴門通草徑茅屋桂枝間修竹連翹木高松續斷山仰空青蔭密掃石綠花斑傍澗牽牛飲白頭翁自閒

從板橋買舟上青陽

卸馬板橋西扁舟逆上溪水鏤巖骨斷烟截樹頭齊野
鴨驚人起村雞上樹啼老農頭雪白猶自把鋤犁

池州

一城方九里宛在水中坻額揭顏公字碑傳杜牧詩昔
年稱上郡今日逼邊陲莫望長江北天寒風正悲

有永嘉薛君自號雲屋來池陽以詩見貽用韻荅
之

清晨聞剥啄喜得薛能詩風月一囊錦江湖兩鬢絲寒
城吹角夜孤館擁衾時誰會吟心苦梅花是舊知

有方叔材用余和薛雲屋歌見貽次韻奉酬

江湖前輩盡何敢易言詩鼠璞元非玉蛛羅不是絲池
塘生草處風雪跨驢時此是真吟境從來幾箇知

立春前五日得雪

雪作春前瑞銀城擁萬家太婆頭欲白九子頂先華壓
麥嘉培本封梅惜損花家童解人意燒鼎問烹茶

七夕感興二首

家家懽笑迓星期我輩相邀只酒卮矯俗何須標犢鼻
甘愚不解候蛛絲新秋光彩月來處半夜清涼風起時
一曲玉簫塵外意此音除是鶴仙知

相傳半女起何時無奈人間事轉癡青鳥蟠桃方士信

金釵鈿合逆胡基一杯記節圖成醉萬感因秋卻易悲
遺恨古今流不盡銀潢耿耿接天池

抵池陽未入關泊于齊山數日因窮巖壑之勝

山有

翠微亭牧
之登高處

瘦策相扶上翠微眼驚奇怪足忘疲三十六洞猶昔者
四百餘年無牧之漲水森瀾春雨後遠山重疊夕陽時
幾多江北江南恨問著沙鷗總不知

次劉叔子總幹夜坐感秋韻

秋風遠客歎飄零滿鏡吳霜故故明酒盞論心疎舊約
詩筒到眼快新評短檠伴我夜深靜長笛何人月下橫

步繞空庭吟未竟
隔林鸚鵡又傳更

代簡約諸同官探梅

信是搏沙放手開
渴心空想細論杯
等閒不見便逾月
如此相從能幾回
舊雨已孤重九菊
新詩宜探小春梅
騎驢索句真顏面
要向清溪洗出來

燒燈夕宋明府自置酒見招席上復賦詩因次韻

定詩盟併致別意

苦用吟心續祖燈
得君印證愈分明
一聆此日雞窗話
盡洗前時蚓竅聲
颺柳輕風寒忽暖
催花小雨溼還晴
眼前總是詩光景
可惜明朝又遠行

秋暮出關節事

俗塵汨汨負清游重出城來已暮秋水洗柳根歛斷岸
霜摧蘆葉擁荒洲鄉音不到愁來雁野性無拘羨去鷗
可惜一硯明月好隔關難作夜深留

有妄論宋唐詩體者

不用雕鏤嘔肝肺辭能達意卽篇章性情元自無今古
格律何須辨宋唐人道鳳筒諧律呂誰知牛鐸有宮商
少陵甘作村夫子不害文光萬丈長

趙倅賦喜雪詩爲黃堂賀黃堂和韻傳示僚屬衆
因續貂

石屏集 卷之九 重梓
風滾瑤花撲面寒沾泥點點鹿文斑要呈臘瑞鬪梅好
肯讓春容傍柳還萬戶鬧添沾酒市兩山窮盡索詩肩
史君寬得憂民念麥隴青青一望間

次韻黃次夔思家

世態從渠炎更涼蕙蘭元不爲人香時憑酒挹聖賢味
閒借茶搜文字腸靴笏豈能拘野性蓴鱸終是憶家鄉
小需歸作天台隱長嘯松風臥石梁

送陳竹屋提幹東歸

生長由來接社枌台山越水偶中分一朝傾蓋便知我
千里攜家得傍君風厚大鵬培怒翼天寒征雁折同羣

折梅相送齊山路愁絕江東日暮雲

歸途過麻姑山

山行十里少人家客子貪程怕日斜倦坐松根需足力
輕風滿面落藤花

方巖山有仙人田頊宜父家其下於屋之西偏築
亭疏沼雜蒔花木爲娛奉壽母之地卽以名之自
著懷仙雜詠百有一首名勝畱題亦多未免皆泥
乎神仙之說來徵余吟余謂神仙之事深言之則
似誕今諸賢所賦無復餘蘊使余更下注腳不愈
誕乎且人生一世苟能超然達觀惟適之安斯人

中之仙已豈必十洲三島間之謂哉因卽此意賦

十章

築亭疏沼隔塵埃
白白朱朱次第栽
人面春風俱不老
板輿日日看花來

綠蘿翳翳結高林
烟吐霞吞一徑深
半夜松京鶴先睡
滿山明月自橫琴

一澗寒泉九節菖
釀泉爲酒冽仍香
玉卮捧處慈顏喜
眉壽方巖共久長

有時山洞拾荆薪
應遇真仙對弈春
多少胸中高著處
儘教饒盡世間人

秋池清曉濯元雲
鸚眼輝涵紫玉文
細字黃庭應寫就
莫將容易博鵝羣

桑竹森森繞屋邊
美池清泚浸良田
桃源只在桃溪上
不信壺中別有天
晚菘早韭各隨時
霜薤青青間露葵
甘脆日堪供小摘
不須他覓養神芝

紫錦囊緘五嶽形
白書黑紙秘黃庭
何如琴几焚香坐
細讀包犧一卷經
自傍青牛種早秔
炊來玉雪滿盆香
休論服日餐霞事
只此延年第一方

阡陌縱橫尚宛然知他耕耨是何年果然絕粒輕能舉

底事仙人亦有田

五松山太白祠堂

太白讀書之地詩有要迥長舞袖盡排五松山卽此山也

艤舟來訪寶雲寺快上山頭尋五松捉月仙人呼不醒
一間老屋戰西風

歸途過銅官山

山徑崎嶇落葉黃青松疎處漏斜陽鳴禽無數聲相應

一陣微風野菊香

余效官秋浦公餘弗暇他問獨未能忘情於吟
得諸山川之登覽景物之感觸賓友之應酬率於

五七寄之雖草根嚶嚶柳梢嚶嚶視鳴高岡唳九
皋聲韻邈乎不侔而發乎情則一也抖擻破囊凡
百篇輒忘其醜錄以備或者楓落吳江之問寶祐
改元癸丑修禊日東莖子戴曷自叙

石屏詩集卷第九終

臨海宋興洲校

石屏詩集卷第十

附錄

戴漁村

漁村諱木字子榮水心葉公高弟神童之父所著有漁村集

賀杜清獻入相二首

玉陛傳呼宰相來
驩騰海內翕如雷
律身清介祁公操
佐主謀謨如晦才
夢弼已知符衆望
生賢益信應三台
從容宰席調天紀
協氣從頭徧九垓

相公出處繫安危
當務何先諒熟思
守令近民須選擇
儉壬蠹國亟芟夷
精蒐邊面三軍帥
早建皇儲萬世基
納誨進賢尤素志
佇看經濟大猷爲

林曉庵先生云清獻大拜時戴漁村先生賀以
兩詩與世之獻諛者異惜公不久於位而此詩
遂爲空談國家無福也哉又嘗跋公類事蒙求
後云昉少聞葛元誠兄弟谷口鄭柬子漁村戴
子榮皆師事水心葉公學有根據稍長見葛鄭
詩文爲多戴文特未之見獨見其悼子顏老神
童之作并將終自挽之章又聞其彙聚古今詩
詞偉論成蒙求一編絕出唐宋類書之右中年
與其族子匠監丈希尹少府君方大游訪尋是
書咸謂燬於德祐丙子之兵莫有藏者私竊惜

之辛亥冬末偶遇彥綸父子高洋田舍酒邊出
所謂漁村類事蒙求者三十卷於是大慰夙心
閱之通夕信有古人所未到者作而嘆曰先生
以此惠後學博矣抑堅甲利兵林立郊野將而
用之存乎其人榷柎山積而不能搆一室非匠
之良者也然則先生之志要有寄於書之外者
豈獨區區於此自銜其所學之富也哉半山後
學林昉百拜敬書

戴秋泉詩

秋泉諱驥孫
字萊夫元人

自嘆

母病因無藥兒啼爲絕糧壯心雙劍在逸興一琴橫

行住坐臥

一片雲單百念清點塵飛不到疎櫺世間俗眼從教白
天外好山無限青不是道人偏好睡只緣世事不宜醒
無榮卽是長生藥何必松根長茯苓

都下送盧白雲歸黃巖

萬里鶯花送客船自啣孤鶴尚畱燕多應別後相思處
只在清風明月邊

江北江南漫浪游眉頭不著古今愁錢塘三月春如昨
第五橋邊好賃舟

長笑相逢又一年五雲琴劍忽飄然若逢委羽山人
道我疎狂只似先

我笑白雲忒自憂白雲笑我
太無憂他年相約結庵處
只在天台山頂頭

戴充庵詩

充庵諱養吾字武間任湖廣武

浩然洪昌教諭

題姪昇仲悟非軒卷

悟非軒中悟非子青年意氣誰人似驥子墮地毛骨奇
一日應須一千里散蹄仍騁康莊步蹇蹶俄投嗽巖裏
金鞍斷缺青鞵垂顧影猶矜舊髮尾悟非子窮通否泰
循環理迷途未遠已知復此去平平有如砥茫茫天地

生物多人寓中間一塵耳乘流遇坎無不安奚用區區
計遐邇悟非子扁舟東來泝江水竹林癡叔江夏師長
日低頭課經史是夕中秋月正圓尋我庾亮南樓前孤
懷哽塞不自已頻揮兩淚猶漣漣青燈相對如夢寐身
外萬事無庸言十年兩度得見爾重爲後會知何年悟
非子爾行匆匆繫船鄂渚望南極挂席洞庭須北風
悟非軒內圖書府悟非軒外松柏叢歸到南寧百無恙
早寄書來慰老翁

送汪憲副歸江西

爲君沽黃鶴樓前酒爲君折武昌營外柳君持酒盃插

千古懷人費夢思
殷勤卷贈歲寒枝
錢塘江上花如雪

不耐東風畫角吹

戴樗巢詩

樗巢諱瑜安字文信洪武間登制科進士任監察御史陞四川按察司僉事

別姪元明司馬

湖海歎飄蓬邂逅相逢若夢中
羨汝歸田今有擬

慚予竊祿本無功
竄身幸免投狼虎
分手愁看逐燕鴻

他日夜郎傳放赦
竹林還復舊時同

戴介軒詩

介軒諱奎字文祥洪武間任齊河縣主簿

舍姪元明書來致當道
薦拔意詩以答之

郡國衣冠逐日新
老懷深念竹林人
客邊風雨十年夢

醉後乾坤萬里春
雲路尚淹麟閣遠
秋天空薦鷄書頻
不痴濟叔勞持論
今向烟波理釣緡

遷逐甫還次韻答舍弟文信

萬里輿圖新入貢
一時故老復遷官
祇緣舊國輕周鼎
徒使仙人泣漢盤
斤斧未容遺樸檝
階庭誰見長芝蘭
野夫獨幸歸耕早
只恐鄉關路轉難

舊事紛紜成昔夢
餘生竄逐誤微官
一年道路危三峽
幾度歌吟繼五盤
甄別有恩垂藻鑑
芬芳無德播椒蘭
逢人但說生還喜
莫問從前事急難

南冠暫挂終還國
野服重裁豈厭官
漫有圖書連夜榻

可無魚鱗薦朝盤歸時涼月侵衣葛別去秋風颯佩蘭
今又相望冬夜雪撥灰思共竹爐難挂一作戴

題錢舜舉所畫梅花卷

雪溪畫師名早傳畫梅不作鐵瓊圈湖山入夢旣瀟灑
粉繪落紙尤清妍巴西故人玉堂老別去幾年音問少
溪雲山月不堪持一枝寫寄春風早想當盤礴欲寫時
寓情筆底誰能知心期不負歲寒意貞潔要如冰雪姿
到今令人歎奇絕我亦見之慚蹇拙從誰交誼重金蘭
空慕廣平心似鐵

別弟文益往蜀省按察僉事文信

我家遷居自閩七傳世於今十有五源源始從五季來
子姓咸知立門戶儒賢術業每升堂雲路登躋亦聯武
石屏先生曾叔祖錦繡輪囷作肝腑平生蹤蹟半江湖
只把文章傲珪組汝昔嚴君雲錦裳金臺之上長翱翔
雄篇大字照玉署詩名政譽流錢塘邇來書聲雖比屋
愧我弟兄俱碌碌未看庭砌長芝蘭祇見蒼藤翳喬木
唯君伯氏振文風雲夢八九吞其胸春秋與義口剖劖
五傳同異資磨礪射策丹墀始擢桂拜官烏府俄乘驄
去年承恩入西蜀黃麻紫誥相追逐豈唯持斧懾凶邪
要使褰帷問民俗汝今爲弟能念兄萬里行色何熒熒

瞿塘無復向時險，劔閣試覽前賢銘。成都魚肥酒正美，
一奏塤箎萬里喜。世間之樂此最真，白璧黃金何足擬。
當時勝蹟紛在目，想見追游日不足。浣花杜老或同吟，
市肆君平時就卜。武侯勲業誰可續，古柏森森見祠屋。
地偏莫展王佐才，感舊寧無淚盈掬。汝兄汝兄我同行，
我久衰殘爾何壯。沂流不得往相從，寄語聊能問無恙。
囊衣自昔可全名，蕙苴由來足貽謗。保茲清白早歸來，
鶴髮慈親倚門望。

又送文益兼懷文信文善

大寒冀北野草黃，騏驥空風吹鴻雁。斷相失雲萬重人

生篤天倫所願出處同一朝異南北悵望俄成翁嗟哉
爾兄與我弟從別邱園今幾載雖知官事正紛如想見
此身能健在池塘無夢夜如年棣萼逢春愁似海君不
見楊家椿津義讓敦千古共稱賢弟昆又不見淮南俗
夫良可鄙尺布之謠污人耳爾今爲弟孝友聞眼中清
白賢愚分思兄不憚萬里遠世間骨肉徒紛紛陳爾殺
酌爾醴取樂何妨艤船待到時二子卽問予臥病祇今
茅屋底羸軀不解事耕鋤弱子那知習詩禮唯能力疾
上高邱北望長淮淚如雨

與趙思晏賦來青樓雖作而不與

存耕道人過我游不減雪中乘興舟浮雲世事口不挂
語語索賦來青樓樓中之人何舉舉肯使餘生在泥滓
春風石上鼓瑤琴夜雨燈前列圖史有時凭高一撚髭
汀烟沙鳥皆吾詩簾鉤曉挂樽桑影釣絲晴罨珊瑚枝
方壺蓬島誰解識霧散雲收翠如織山勢疑將度海來
嵐光屢見排簷入問誰於此賦詠頻哦松大筆尤清新
石門老翁攀桂手湖山處士吟梅人嗟予臥病筆硯廢
欲作歌詩動經歲神游意想一語無幾回虛作凭闌勢
吾聞仙人好樓居時能御風游六虛爾今凡骨倘未換
大藥好乞刀圭餘不然買魚仍釀秫樓頭日與賓朋集

坐令青眼客長來不獨來青在山色

賦雲浦

君不見南浦朝飛畫棟雲滕王勝蹟今徒聞又不見洞
庭之南瀟湘浦雲冥冥兮別離苦何如陳君結屋浦上
頭臥看雲氣空中浮百年無夢到朝市九夏不暑疑清
秋我惜於君面未覩卽遣狂言問雲浦旣不慕傳說作
甘霖又不學西湖載歌舞胡爲寂寞在窮荒閱世悠悠
任今古應君知爾乃最先褒奇頌美詩滿編南湖暇日
持示我索賦長句俄經年昨者州司催上道念此逋負
增惓惓尚冀餘生徧衰病乞身定許仍歸田葺茅亦向

浦頭住濯足還共雲間眠斯言他日倘可踐長與爾兮
相周旋

陳楚賓邀登南閣出示諸公所賦詩十又四首索

予繼賦

憶別高堂凡五載今日重邀鬢毛改長老驚爲倒履迎
林園却似畱春待那知憂患餘復見風流在松間舊榻
下陳蕃席上清樽傾北海是日雲銷天宇澄大開南閣
邀予登鉤簾晚山萬樹出俯檻晴塢千花明於以勘古
易寫道經道然已足怡吾情少長須臾亦星聚歌吟間
作如韶鳴乃知世間此地卽仙隱樓船萬里何必求蓬

瀛主人愛客情益至欲起索歸挽復住呼兒牀頭出錦
囊示我以詩十有四作者往往皆故人清新首得中郎
句君家二叔尤老成相隨地下脩文去祇今善餘遺十
餘喪亂饑饉還何如畱題已愧我獨後感念存歿增嗟
吁何當歲時稔早使貢賦輸釀爾秫饌爾魚奉親之餘
課子書功名不慕麒麟畫校讐豈羨天祿居鹿門老翁
且自適顏巷是子何妨愚更須閣上芸編益置三萬軸
我亦有時與子同卷舒

發澄江述事言懷

憶昔歸隱東海頭矢心不逐羣兒游結屋空山臥深雪

篝燈永夜吟清秋如此棲遲踰半紀自甘疏糲餘無求
長竿或從嚴瀨釣短筆肯效班生投海國紛紛擅豪右
五花驄馬千金裘一朝城邑化焦土肉食竟爲何人謀
榮悴由來易反手諸君尚喜能包羞州司惜無涇渭辨
遷逐乃欲窮巖幽謇予貧病亦在遣矯首上訴嗟何由
陶令徒知解印早鍾儀奈作南冠囚呼天呼人兩無及
反躬祗益思愆尤唐君新作吾州守溫詞直欲紓人憂
爲言今日百政舉詔書每爲徵賢優築臺行從郭隗始
借箸欲藉張良籌榘楠匠石安肯棄參苓藥籠終俱收
浮梁側畔艤船待奮去好志無夷猶聞言錯愕惟掉首

智愚今古寧同流吞聲不發出城去澄江萬頃寒悠悠
緇塵上衣日黥黥飛雨灑面風颼颼迴頭卻語二三子
故林爲愛藏書樓趨朝乞身幸見許便擬散髮歸丹邱

畱別胡叔輝先生

千山起伏如海濤中有萬八千丈天台高故人結屋隱
其下老氣直與山色爭摩霄平生不慕青紫拾放浪每
逐真仙遨歌詩有時落城府鏘然遺響如鳴韶嗟予遠
道廿載久羊腸九曲躋攀勞石梁回望不可躡思君幾
度心搖搖前年歸耕計始遂石田茶壘甘耘疇望君道
里尚三百聚首未得相招邀海隅詔令一朝布憧憧去

躡三吳路趨名初聞只貴豪竄逐旋知及寒素人言珪
組累我歎儒冠誤親知日去眼何期與君遇皓髮同驚
亂後看青眼還如向時顧長鬚長鬚君一呼倒囊贈我
千青蚨金陵春色幾萬斛到時莫惜頻頻沾感茲厚意
心轉慙但願君今事耕劬後來孫子知讀書勿慕前賢
學干祿

聞有汴京之行畱別壽幕吳仲素

長淮南北知幾州壽陽還在淮西頭昔年此郡屢反覆
祇憐淮水唯東流版圖一朝歸上國亟爲遺民救顛踣
掄材誰復歎賢勞入幕况聞優贊畫延陵季子千載名

今君秀拔真雲朮平生操行果何似朱絲絃直冰壺清
江南遷客多如雨老幼扶攜適茲土閒關來就衽席安
勞來使忘行役苦就中竄逐誰最貧石屏孫子林泉人
袖有文章賤如土眼看甌金空生塵秋風一夜振林薄
毛骨蕭森已非昨千里雖殊驥尾蠅此身却愧雞羣鶴
扁舟汴水行復泝肝膽崢嶸向君露人生離合不可期
青眼何時重相顧

賦西村耕隱

斯人好文仍好奇酒酣索賦西村詩解衣爲君揮翰日
束書正我朝京時嗟吁二人本同里羃羃餘陰接桑梓

幾乘蠟屐蹋春泥亦棹蘭舟泛秋水君家實住小嶼西
山田日日催耕犁草廬年來臥不住致身却向黃金臺
當時青紫能拾取清夢只今成栩栩故國遙遮天姥雲
謫居同聽長淮雨鳳詔新從天上傳君應早晚能歸田
種柳重尋元亮宅說稼好誦坡翁篇錦囊多詩總如玉
更有遺金買黃犢扣角無爲長夜歌挂書莫向旁人讀
予生有計不能謀硯田禾黍無時收何得西村一相遇
爛醉白酒黃雞秋

應朋來臨別索題存耕舊隱圖

憶昔百丈巖前游泊船上湖上樓天清野曠一凝望

錦屏森列當前頭中見蒼崖拔地起絕憐嘉木連雲稠
窳窳回溪出僧宇參差危壑生懸流人言此地倘歸隱
布衣便欲輕公侯茅屋春深薜荔長石闌路繞叢篁幽
長鑱茯苓靜可劖空林柿葉寒仍收回頭世事忽如蝟
十年誤逐紅塵住不知何日繼追尋每憶此山勞夢寐
應君示我新畫圖開卷中堂起烟霧摩挲濃墨思舊經
却似登樓看山處君謂松根卽故廬一榻左右俱圖書
沙田水足牛力壯歸耕試論今何如先王井田法已墮
阡陌鉤連屬豪貴前年東家強索租□□入西家去
白雲蒼狗在須臾能事只耕方寸地父老同知稼穡難

石屏集 卷之一
一重刊
兒孫共獲菑畚利秋風歸帆我獨遲石田草莽耕何時
君行已得圖中意臨分爲寫存耕詩

謝玉成翁大中潛士提諸公邀僕與宗性之城西
樓登眺久之乃復宴餞南城下因賦詩留別

頻年種菊花繞籬牀頭釀秫復如池看花把酒雖足樂
風雨每迫登高時今年客居向淮右吟對晴暉數回首
短髮空吹落帽風濁醪尚負持螯手諸君文采孰可儔
皎皎玉樹臨素秋相逢欲作開口笑攜我共上城西樓
平原草深湖水濶此地幾經人戰伐沙頭白骨疑亂槎
天際青山猶一髮樓前候雁無數飛引領未得同南歸

悲秋豈無宋玉賦灑淚恐溼牛山衣成吟復成吟相看
鬢成雪况微經濟才奚事承明謁此日華筵爲我張西
風遠道憐人別堆盤鱸鯉鮮可嘗照眼幽花瘦堪折雙
瓶欲盡笑語譁接離倒處舞傴僂但拚酪酊醉於昨莫
因蹭蹬愁如麻八公下淝水涯平明束書上船去別君
又似初辭家朝廷制作尚有待君須秣馬膏其車我亦
遲君握手談京華

賦竹坡

旁隣異花多繞屋曼紫妖紅眩人目如澠美酒花下傾
歌舞朝朝看不足君家美竹綠坡生蕭森却似篔簹谷

騷人墨客爭欵門好事日題詩一束山陰高致世豈知
旁隣舉手休揶揄顛風惡雨一夕至芳菲狼藉成嗟呼
此君節操祗自如雪霜縱遇那能欺幅巾藜杖久可傍
筆牀茶竈長相隨我記扁舟昔相遇醉向沙頭竹根臥
君時宦游閩海間竟日孤吟復誰和今同遠客心欲摧
舊徑蕪沒何時開春雨遙知子孫長秋風不報平安來
山堂忽聞詔許歸滿飲竹葉歌竹枝到家截取一二管
請君持送伶倫吹九苞彩鳳當來儀

贈別鄉友陳繼善王宗儒及表兄王友諒同赴京

議禮

宋王制齋地志續中山文苑類編卷之十一

蟄雷初動連月陰臨安客舍春草深披衣起踞木榻坐
竟日倒掩柴門吟誰能載酒問奇字敢擬乘興來山陰
諸君扣門忽剝啄何異空谷楚然音嗟予托交舊不薄
異縣相看客懷惡羈留雖幸一身存問答不知雙淚落
世間幾度卜非熊兵後何人憐屈蠖耕鋤有夢空涉春
獎滿多君尚如昨窮簷牢落風雨俱君來復別將焉如
龍飛九五萬物覩紫泥屢下徵賢書三千禮樂須制作
奮衣徑謁承明廬我記論文昔分席人品當時似能識
陳君學術窺天人王子文章振金石吾兄抱才尤絕奇
如椽大筆千鈞力今同薦剡入雲衢總有天官在胸臆

人生窮達那自知君能論列須及時漢室仍傳賈董出
虞廷再覩夔龍趨書成志得未白首錦袍相輝印懸肘
此時題字倘相投我已滄浪一漁叟

贈別柯伯庸歸省親柯自龍虎來臨安邀予三茅
山中出示方壺所作東柯谷圖及翰苑諸名公詩
一帙且曰吾垂白之母在堂將歸省焉請與子別

因賦此贈

東柯谷者蓋其家居地也

天台萬八千丈高插天勢與雁蕩天姥諸峯連芒鞋竹
杖昔尋訪層巒絕壁窮攀緣是時憑高一縱目異境復
來東柯谷幾灣流水聯玦環數點晴峯刻瑤玉回頭十

載昔去游黃塵撲面雙鬢秋柯君一見與我談舊隱翦
燭共醉吳山樓示我東柯之圖纒數尺元氣溶溶霧烟
溼玉堂諸老亦神仙錯落文章列圭璧君言東髮居龍
虎學仙期與松喬伍生平雖只戀還丹歲久寧無念鄉
土嗟吁故林歸獨遲相逢異縣兼喜悲細觀詩畫久不
厭躊躇如在登臨時錢塘五月熟梅雨此日憐君一帆
舉縮地應無跋涉勞升堂要覩慈顏喜紫霓裳丹霞酒
拜奉親前爲親壽喜懼雖因鶴髮前踟躕復似斑衣舊
西風一日秋滿山羣仙有約須君還路經茅君壇下幸
相報我亦從之放跡蓬瀛間

送別陳嘉惠

歲丁酉僕以事至韻見嘉惠陳君知其非庸衆
人也與之盤旋月餘乃復同舟下豫章相從嬉
游歌詠者又數月旣而君以母老還侍僕亦歸
吳中邇來音問不聞惟日往來於懷也今年仲
夏之晦於武林適邂逅見焉且驚且喜卽相告
以出處事君因愀然曰吾貳邑於永豐三年矣
以吾能不負於丞俾乃舊職今趣行有期不得
久盤礴湖山間也宜亟歌詩爲別僕以會見之
難而索居之易其能已於言哉因賦長句以寫

感歎之意云

我記昔云章貢臺臺前二水相盤迴登臨適與形勝會
放傲却使羣公猜唯君傾蓋卽相厚結交便擬如陳雷
江上時同夜月擢花前幾共春風杯移船一向豫章泊
風物蕭疎歎非昨絡緯愁連孺子亭梧桐秋滿滕王閣
同游豈無三數君總爲異鄉憐寂寞君時唱和詩最多
錯落驪珠千百索江城十月霜葉飛君先別我趨庭闈
臨歧贈言曾未幾東書我亦東吳歸邇來喪亂十五載
旋覩海岱清皇威每見才賢拔茹起祇懷故舊音信稀
音書不至望欲倦來遠樓頭忽相見兵後雖驚兩鬢霜

老來尚記當時面握手那知悲喜兼解囊復校詩文編
西湖境勝蓮欲紅強擬畱君日酣宴君言貳邑居永豐
斯須敢忘勤與公百里何心厭棲棘三年報政仍哦松
楊舡明日泝流上復與子別情何窮此行日與簡書畏
雖欲放浪將□□嗟子焜居猶是客客路聞言轉悽惻
瑤琴古調且須彈官柳長條折何益我老長同曳尾龜
君行會展冲霄翮後來雲樹各天涯寄書好慰深相憶
美巡檢秦君禱雨有感

我昔歸舟泊西浙屢上湖山望東越炎曦赫赫塵暗天
可憐不雨踰三月吾鄉岸海地勢高連滕想見苗禾焦

豐穰願望苟一失溝壑困辱將焉逃况聞徵賦日夜急
孰念遺氓久顛踣歸來父老一笑迎啟口却誦秦君德
秦君世居淮海東壯年腳躡江湖空浩氣不摧萬猛士
一官猶佩雙珣弓深知警邏職匪小遇旱憂心日如擣
由來剽竊迫飢寒竭虔亟向龍祠禱奔走亦率民庶稠
坎坎伐鼓羅魚羞丹誠已信齋被久一念遂達神靈幽
桑林翦爪歎已古魯公焚廄笑何補今看蜥蜴水際浮
隨覺商羊眼中舞龍蟠忽起牙角呀簸尾陰軸驅雷車
四山雲氣暗於墨半天雨腳紛如麻槁禾旣甦偃伏起
民食有期方饘餌輸官豈望甌石餘爲生庶緩須臾死

嗟予聞言喜更驚識君不早徒心傾便欲排雲上霄漢
大叫聞闔揚君名吾知聖明渴賢久徵君要展爲霖手
幸令九土樂豐年我獨餓殍何辭骨先朽嗚呼我獨餓
殍何辭骨先朽

題潘氏禱雨有感詩卷

連歲浮淮去爲客客裏無禾亦無麥盤飧豈欲待豐登
雨暘猶知望時若今年故鄉早曠多我歸無麥還無禾
潘君禱龍雨輒應我聞兩腳醉拍船舷歌嗟哉老夫本
漁叟綠蓑飽臥烟波久中間出處亦偶然豐歉於身果
何有於今世途蜀道難觸眼倉廩連雲端倘得年豐

賦足官府我雖愚者身能安潘君潘君藉爾力稼有秋
兮豐有食衆因頌爾能感神我亦重君無德色曉來目
送南征鴻因之爲寄雙詩筒姓名到眼不相識隔隣好
問松溪翁

臨安道中別弟文美

拂袖歸來我最先相期耕釣在餘年無端遇著東風惡
吹上長淮逐客船

三淮浪急大江迴幾處驚如灩澦堆我正思家行欲到
汝今那更別家來

酒盡沙頭淚滿裾臨官別去更躊躇都忘我爲儒冠誤

猶囑還家課子書

天旱歲凶到家紀事

歸葺茅茨江上村家貧唯有舊書存
解囊欲試癡兒誦
又報催租吏打門

高陽窺園有感

橘柚連雲手自栽別來誰復爲封培
棘籬缺處秋偏早
時有隣童摘實來

幾畦蔬甲一長鑱記得年前草自芟
今見滿林荆棘長
令人千里望歸帆

夜宿水館

驚雁相呼秋滿江
小軒臨水似解艤
夜闌不寐思兄弟
風葉蕭蕭正打窗

立秋夜涇川館中雜興兼懷舍弟

薄暮西風生樹頭
坐看涼氣近人浮
一年今日纔過半
梧葉蕭蕭已厭秋

山房高與鶴巢隣
幾對青燈坐夜分
強與兒童說今古
解通鄉語未通文

厭見啼螿近客窗
愁城難藉酒來降
島夷又說能深入
一夜無眠聽吠尢

嘗稻有懷舍弟

曉起西風忽到門
剩炊香雪滿羹盆
懷人獨向嘗新處
含哺移時不忍吞

幾欲因書寄土宜
溪雲山靄不堪持
力田未足輸官府
念爾徒搔兩鬢絲

秋夜述懷

霜氣橫秋萬木凋
月櫺風牖夜蕭蕭
在家無限悲秋思
况爾別家千里遥
欲憑詩句寄西風
吟到更分語未工
月色如銀庭樹冷
一絲和露墮青蟲

寄衣無便

秋風昨夜振庭柯，欲寄衣裳無便過。
料汝羈愁如落葉，蕭騷偏逐晚風多。

一秋無舍弟手書

老懷多藉得書寬，幾度挑燈入夜看。
想爲暝昏憐病目，一秋無字報平安。

過青楓嶺王貞女廟

廿載江湖鬢已絲，勝游何地不開眉。
筍輿今日低頭過，羞看青楓嶺上祠。

經天姥嶺

天姥嶺頭花亂開，行人何日看花回。
山堂舊有歸田賦，

莫羨黃金正築臺

夜經吳江

長橋跨水影模糊
橋上春醪輟權酤
明月相看情似密
伴人終夜下姑蘇

過維揚

英雄已逐風塵老
城郭猶存草樹稀
月下更無騎鶴過
觀中空憶看花歸

次荆山

三獻無階泣卞和
相傳遺跡在林阿
我來不爲荆山璞
底事潛然淚轉多

元日試筆

回看客路三千里笑飲春

今日故園猿與鶴

定應延頸望歸來

壬子春雜賦

吳山簇簇越山重幾欲相尋去未通
祇有夢魂忘路遠
時時飛繞大江東

中立歸自京得舍弟首卷書

石樓進士錦衣新攜取舊書歸養親
吾弟白雲長在望
何由同涉故園春

移寓後述懷

門掩朝暉睡起遲
楮衾莞席暖相宜
異鄉兄弟夢中見
如在故園耕釣時

越中有述

越客笑人輕別離
別簪纔盍又何之
揚船欲架胥濤上
杖莞先從禹穴窺
拂石舊題看歷歷
迎風塵袂又披披
憐今不作金臺夢
定擬重來訪墨池

歸田雜詠

西江潮落暮還生
兩岸雲連綠樹平
載月小舟風浪穩
歸林飛鳥羽毛輕
儒冠謾整烏紗舊
野服新裁白苧明
絕愛方塘鷗鷺狎
向人如訴別離情

次台城南郊寄示故園

城南墟里舊盤旋此日相看倍黯然
茅店酒醪深夜語竹牀風雨小窗眠
新愁爲隔姜肱被舊物空懷子敬氈
寄語門前五楊柳好畱春色待歸田

京城有述

屏蹟邱園今六載何期世事與心違
祇緣白屋隣滄海却使緇塵染素衣
客路鳳凰臺畔過寒山蝴蝶夢中歸
相逢不作新亭泣幾度高歌送落暉

淮安贈葉敬先

揚子江心鼓櫂過買船今復上淮河
探囊祇惜青錢少

石屏集 卷之十一 重梓
把鏡俄驚素髮多
阮籍途窮唯有淚
馮驩彈鋏豈無歌
多君青眼能相顧
握手其如感嘆何

舟中述事

推篷今日又何鄉
一度歌吟一感傷
漂母墓前淮水直
霸王城北楚雲長
倚灘舴艋樵蘇集
□□庖麻草樹荒
經處不將風土記
每因遺俗問漁郎

投贈州守夏侯君

淮水西頭古壽春
遠煩賢守牧遺民
公庭日見文書靜
至社人懷德化淳
接物久知心似水
憂時先覺鬢如銀
昨聞黃霸終爲相
莫學淹留詠白蘋

雨窗述事

問井徒勞念別離
賜環何日見歸期
江淮長路一身遠
風雨孤城萬慮滋
往事已同槐國夢
新居孰寄草堂巵
極知經術今無補
猶擁遺編不倦披

寄示故人

頻年荷鍤事山田
遷逐胡爲路幾千
故宅已荒三徑菊
愁心空憶五湖船
兒孫好爲青氈惜
書札終期白雁傳
鄉邑但敦忠信在
莫嫌歸計尚茫然

戴竹巖

諱汝白字君玉宋人有竹巖詩稿行世

題曹娥廟

哭得江頭雲氣昏
淚痕多化作潮痕
波心萬古團團月
疑似曹娥一片魂

戴魯齋

諱泰字見大宋咸淳間任常州府府學

戲友不識硯

古今天下多奇石
甲品從來只數端
千丈留雲潭影溼
一泓貯水月光寒
青瞳要辨生鵠眼
紫色須求死馬肝
鼠璞易投荆璞價
請君試買硯箋看

戴脩齋

諱震伯字君省宋當塗主簿

送趙侯之任

趙侯東南彥
遠作西南征
驪駒向前路
高秋不留行
送

以奉林鶴仍吹子晉笙淵淵洞庭湖古月今猶明流輝
千萬里何但光連城懸知有佳惠終始如一心

戴雨耕

送趙侯之任

送君遠作羊荊州送君西上黃鶴樓漢晉諸公舊游處
斷磯黃葉風雨秋只今麾纛口南斗整暇坐列皆公侯
江湖浩蕩青天流清風千古吹棹謳專城分符得召杜
見此文彩珊瑚鈎諫因諫議思岳陽遂歌羽人仍丹邱
杜蘅吹香結衣珮思與老子同遨遊

戴雲庵

諱曠孫字子雲號雲庵宋人精地理

題五九菊

不向東籬吐正葩
芳名空竊楚人家
操難耐冷秋藏色
怪易趨炎夏著花
輕蹙絳紗籠畏日
薄裁紅縠趁殘霞
樽前未識淵明面
醉後時還岸幘紗

戴竹洲

諱龜朋字叔獻
號竹洲宋人

次屏翁韻

走遍江湖早得名
歸來哦句向幃屏
故人今雨時相過
好酒新春肯獨醒
未用阮生三語掾
但遵迂叟四言銘
高明已悟閒居福
當見子門發舊聲

戴菊軒

諱溥字伯遠
號菊軒

次屏翁韻

幾番樽酒過書櫺談笑清風起座屏一世猖狂渾似醉
此心明白固長醒英雄自昔難虛老鍾鼎他年要刻銘
若見傍人問消息爲□桂子待秋馨

戴桂庭

諱成祖字與正號桂庭

送畱雲上人住翠屏澄照寺

雲出於山復戀山至今畱住翠屏間片雲旣自畱山上
雲自畱山我自還

戴宓齋

諱飛字子翬號宓齋宋紹定間任廬江縣尉

寓杭次族人催歸詩韻

休把詩來只管催也曾對菊賦歸來閒雲自笑出山去
未雨如何便得回

戴浦雲詩

諱公孫字文溥號浦雲元末隱居不仕

客武林送林貴章還家

西風挾雨生早寒游子袂薄行當還堂堂別我向何所
驅車直下天台山天台山高高插天子今別去誠可憐
青雲失路歲月晚黃金散盡今凄然此行不獨于云往
我亦爲賦歸來篇

戴本庵

諱需字君涉號本庵元延祐間任温州路天府北監管勾

題飛鳴宿食蘆雁

飛鳴宿食態爭奇一片瀟湘筆底移有翼不傳千里信
無聲難訴九秋悲孤眠蘆葦喚不醒繞覓稻梁常苦飢
野壁黃昏遙望處傷弓幾度悞胡兒

戴架閣

諱子璋字文珪元至正間任中書省架閣

題錢舜舉畫梅

故人相憶對南枝寫寄無煩驛使持此日披圖空想像
猶疑月落酒醒時

戴海門

諱應儀字文則至正任海門巡檢

雨窗寄友

拭目時吟望其如景物何過江山色遠入竹雨聲多徑

草微通路渠流細入河故人家
尺乘興肯相過

戴碧泉

諱孟韶字原成號碧泉介軒長子

至後偶成

寒日初添一線長可憐游子未還鄉
梅花偏有畱人意
為送黃昏一樹香

戴怡泉

諱孟姓字原進號怡泉介軒次子

送友

江皋多烈風念子在行役異鄉雖在邇
慈幃斷消息草
枯野空濶鳥歸山欲夕明發不可親
無間意增極

戴松石

諱宗渙字原怡號

寄此山雲

水清風淡剡溪間
一任山雲自往還
怕有月明乘興客
柴門深夜未曾關

春日懷東白

去年今日送君歸
已見春花兩度飛
別後豈無書可寄
向來因有事相違
笑談每憶春風坐
顏色常瞻落日輝
莫問名園并綠水
只今光景舊時非

戴吏部

諱宗瓊字懷玉洪武間任吏部主事

送陳南賓赴京

漢廷曲逆有雲仍
喜逐徵書謁帝扃
謾向雲衢誇逸足

卽看丹穴刷修翎新豐美酒還須醉內苑啼鶯正好聽
天上故人如有問釣竿今已占楓汀

題趙氏來青樓

倚樓孫子好樓居門外青山畫不如對面烟嵐侵几案
撲人空翠溼衣裾畱情正在雲歸盡覓句偏宜雨過初
何日登臨遂幽興臨風笑挹玉芙蓉

題趙仲淵家藏巨然山居舊隱圖

趙君平生有畫癖購畫千金無所惜軒窗日夕耿晴虹
鴈蕩雲烟動秋碧山居之圖占無敵巨然乃肯畱真蹟
雄峰峨峨狀廬阜春風喬林翠如織柴門路入花竹深

彷彿茅茨浣花宅
漁舟汲浦烟浪中
白石離離弄江色
山人構思固不易
造化神機出毫墨
摩挲兩眼看不厭
趙君珍藏信奇特
愧我無詩如杜陵
此畫還君三大息

戴閒懶

諱子英字文曠號閒懶仕至江浙行省

游澄照寺

籃輿春日暖
石磴轉縈迴
山鳥衝烟去
溪雲帶雨來
笑談忘對奕
酪酏醉深盃
爲想竹林興
□□好一開

戴松澗

諱璿字文璣號松澗傳覽羣籍尤精於醫所著有喬雲樵唱集藏於家

題畫菜

鼎肉紛紛飮
臍肥丹青摹
此意何微年
來滿地多蟲蠹

行盡春畦見亦稀
青菜此意何
綠草來
...

白迷松澗

處世無能祇自憐
攜書投跡市東偏
旋開草徑蒼松下
更結茅齋碧澗邊
宿雨初收鳴雜佩
和風微度響疎絃
餘生果遂棲遲願
蔬食簞瓢亦晏然

西澗松聲為李梅塢賦

美人絕塵想
結屋青山陬
蒼松傍西閣
四時風颼颼
美人愛敬客
延我居上頭
初聞怒濤撼
旋覺虛籟浮
宮商一以徹
餘韻還悠悠
涓涓泉出罅
混混川漲流
秋風吼龍虎
落月啼猿猴
倏來自有處
忽去何所留
挂頰坐清

聽之情獨幽怡然按綠綺一鼓天地秋

戴恬隱

名璉字尚重號恬隱所著本草蟲集藏于家

避喧庵自詠

結庵龍鳴村地僻遠市喧四山列圖畫兩溪流淵源紅
塵隔綺陌綠樹依柴關飛花點石徑幽鳥鳴松軒子生
性多癖習懶愛清閒蓑笠烟雨中琴尊風月間詩成自
刊竹興至時登山芳沼戲羣鱗空庭舞雙鶴林下見人
稀對此或獨樂引泉灌園蔬攜筐採山藥此外復何心
所貴全天爵擾擾利名場誰能免羈縛焚香讀古書晴
雲鎖窗白

憶子會試無家書

白頭望爾上青雲數月泥金信未聞
自卜情多夢難□
曉來喜聽鵲聲頻

戴潛勉

名通字允儒號潛勉成化丙午鄉貢赴北宏治間任安州知州所著有秋蟲稿藏于家

次韻謝世懋見寄二絕

禾黍擬登場已洗新飯甕有田無力耕
長作豐年夢
舉目望青天欲破醯雞甕惜乎獨思君
夜夜迷途夢

采蓮婦

采蓮復采蓮花雨溼衣裳明朝復出門
憑誰定行藏
采蓮復采蓮秋風生老態花心有時衰
妾心未憔悴

采蓮復采蓮紅漾水中天含情向蓮語顏色知誰妍

織婦詞

蟋蟀動秋吟燈花夜向深辛勤機上織未作妾衣襟

送崔冢宰致仕還鄉

出處堪爲世重輕東山曾見慰蒼生兩京台相推先後
萬國鈞衡屬老成野渡橫舟春浩蕩金陵見月夜分明
始終全德今歸去老圃寒花晚自馨

悲歌

莫對鏡莫對鏡鬚白髮蒼容色病莫食肉莫食肉齒漏
牙疎不可觸借問我生年幾何不去日少去日多悠悠

身世成悲歌

真樸次陳石齋留別韻

采蕨當年未說高盛名今日竟難逃
爭看彩色來虞鳳獨聽希音變楚騷
魚笊有情君欲往雲霞無意我初交
桃花寂寞天台洞盡日東瞻海上勞

詩集卷第十終

臨海宋興洲誌

書石屏詩集後

天台布衣戴屏翁以詩鳴宋季類多閔時憂國之作同時趙蹈中選爲石屏小集袁廣微選爲續集蕭學易選爲第三藁李友山姚希聲選爲第四藁上下卷鞏仲至仍爲摘句又有欲以其詩進御而刊置郡齋者雖其向上功夫未暇深論其詩已爲世重而見於板行者又皆諸名賢選摘序跋具存可考也今觀陳昉氏跋語謂其有忠益而無諂求有謙和而無誕傲希聲謂其忠義根於天資學問培於諸老方萬里謂自慶元以來詩人爲謁客者相率成風干求一二要路之書副以詩篇動獲

千萬緡往往雌黃士大夫口吻可畏至於望門倒屣石
屏爲人則否廣坐中不談世事縉紳多之則翁之取重
於世豈直篇什之工哉成化中家君入翰林始得翁詩
寫本命金手錄每病其訛外未有以正也後十有五年
金以郎吏倅廬罪戾之餘時誦翁一官不幸有奇禍萬
事但求無媿心之句以自厲適六安學正鏞出示家藏
板本并詩抄一帙板本較前寫本頗詳然脫簡尚多字
或漫滅不可讀考之晦菴先生荅仲至書有云黃巖老
過訪惠詩一篇甚佳亦見刊行小集冠以誠齋之詩黃
巖老蓋指翁也小集疑卽蹈中所選者夫以投贈大儒

之詩得經題品而集中不載非獨散軼爲可恨而竊重有感焉蓋自爲童子時僅見翁詩一二於他本逮今壯歲宦游中外旁搜博訪猶未獲其全集幸而存者又訛缺如是嗚呼亦難矣乃於政暇據二本之同異校讐重加編次東臯子十詩仍錄集首詩抄乃東埜漁村秋泉充菴樗巢介軒諸君所作附載於後東臯翁之父東埜以下至學正君皆其裔孫也學正君拳拳於先世文獻有足尚者又四年編成凡十卷爰謀太守宋侯刻而傳之以成其志因系予所感如此俟嗣有所得續附焉且以見台郡人物之盛戴氏詩派之遠而讀其詩者父當

論其人及其世云

宏治戊午孟夏初吉賜進士奉議大夫直隸廬州府同知前刑部員外郎西充馬金汝礪爰書於郡之班政亭